



脛

逐年一到四、五月，滿山桐花開個時節，有兜山脣原旦恬恬靜靜個客家莊就變到鬧熱煎煎。有人跔跔去脛桐花，有人跔跔去參加桐花祭個音樂會、唱山歌、表演等各項活動，經過這十過年來個發揚，桐花分人脛著咧！客家也分人脛著咧！其實，臺灣个山林肚早就有桐花樹，花也年年開恁多、年年開恁靚，斯爭無恁多人跔跔去脛定定。一直愛到桐花祭推出後，大家正漸漸想著，原來臺灣有恁靚个桐花樹。這下，還有人跔工膠桐花樹種到公園肚分大家脛，這實在係頭擺想毋著个事情啊！

仰會共樣个桐花樹，前後有恁大个爭差呢？俚想，桐花除忒分人脛著以外，還較重要个就係打動咧這下人个心。頭擺，生活較清苦个時節，人係脛重桐花樹个經濟價值，正會去拈桐花子來榨油，正會去斬桐花樹來做番火精、做屐仔。背尾，桐花樹个經濟價值無恁好个時節，人就漸漸無去插桐花樹咧！等過一站時間，桐花祭開始後，人又重新轉頭脛等桐花樹，脛等桐花開，行轉桐花樹下，吹等風，脛等桐花落下來，像人落雪樣。行在歸片白色个桐花樹下，毋係為著生活、也毋係為著經濟，係為著想脛這場一年一度个「五月雪」，順續脛一下頭擺拈油桐子行過个路，也順續講一下該量時个故事分細子聽。這下，在油桐樹下个人，毋單淨係目珠脛著該白白靚靚个油桐花、心肝肚想著該古今事定定，應當還有該份對油桐花、對天地个感動之情，正會一年又一年、一擺又一擺跔跔轉到山脣來脛油桐花。

人係一個主體，倚恃「脛」將自家膠桐花結合起來。脛，係自家先經過目珠，還有其他个身體五官將桐花个印象吸收入心肝肚，再過用思考膠心肝肚對桐花个回應組合起來，變成自家个想法，再過慢慢變成一個群體个想法，變成客家桐花祭。事實上，臺灣滿哪就有桐花，毋係客家莊脣正有，係客家人脛著桐花後，先將桐花个印象變成桐花祭，感動咧大家，正有恁多人會跔跔去脛五月雪。

桐花大開个山林，係你有脛較真兜，有時就會脛著膠桐花樹開花時間差毋多个香絲仔也當當開花。有時歸片个黃花也毋會恁輸白色个桐花，可惜，會跔跔去脛相思樹開花个人就少忒盡多。其實，相思樹膠油桐樹个背景當相像，乜係頭擺山脣客家莊个重要收入來源，做得用來燒炭仔，也做得用來做堵撐、做用具。毋過，等香絲仔个經濟價值無恁好个時節，人乜漸漸無去插佢咧。有兜東西毋係偲這兜無脛著佢，實在係這兜東西盲恁感動偲兜定定，相信盡多客家人到今還對香絲仔盡有感情，就像對桐花共樣，總有一日會回頭轉來脛佢。

作者：林伯殷

☆詞彙學習☆

【恬恬靜靜】diamˋ diamˋ cinˋ cinˋ：安

安靜靜。

【跔工】dangˋ gungˋ：特地。

【番火精】fanˋ foˋ zinˋ：火柴棒。

【順續】shunˋ saˋ：順便。

【該量時】gai liongˋ shi：那時候。

【倚恃】rhiˋ shiˋ：依靠。

【滿哪】manˋ niˋ：到處。

【當當】dongˋ dongˋ：正在。

【堵撐】du cangˋ：支撐的用具。